

明三十家詩選初集

明三十家詩選初集卷三上

錢塘 汪端允莊輯

李東陽 六十七首

東陽字賓之茶陵人以戌籍居京師四歲能作徑尺書景帝召試之抱置膝上六歲八歲兩召見講尚書大義稱旨命入京學天順八年成進士年十八選庶吉士授編修累遷侍講學士宏治九年旱災求言賓之條摘孟子七篇大義附以時政得失數千言上之擢禮部右侍郎久之進太子太保禮部尙書兼文淵閣大學士十七年重建闕里廟成奉命往祭還上疏言民間疾苦及親藩內官暴橫狀帝嘉歎之是時帝

數召閣臣面議政事賓之竭心獻納有闕失必盡言
匡諫疏出天下傳誦與劉健謝遷並稱賢相孝宗崩
武宗卽位屢加少師劉瑾入司禮賓之與健遷卽日
辭位詔聽健遷去而賓之獨畱恥之再疏懇請不報
瑾凶暴日甚務摧抑縉紳於賓之陽禮敬而陰實忌
之幾爲焦芳所傾者屢矣凡瑾所爲亂政賓之彌逢
其間亦多所補救劉健謝遷劉大夏楊一清平江伯
陳熊輩幾得危禍及匿名書事皆賴賓之力爭而解
潛移默奪保全善類天下陰受其庇五年秋瑾誅賓
之上疏自列請黜罷溫旨慰留之帝好嬉游出入無
度大興豹房之役建寺觀禁中調宣府軍入衛等事

賓之前後上疏極諫帝終不聽以老疾乞休章凡數
上至七年始許之歸四年卒年七十贈太師諡文正
子兆先亦有雋才早夭遂無後賓之事父淳有孝行
官翰林時嘗會飲至夜深父不就寢以待其歸自此
終身不夜飲於外爲文典雅流麗朝廷大著作多出
其手獎成後進推挽才彥士大夫出其門及爲所賞
拔者悉粲然有所成就若石瑤羅玘邵寶顧清魯鐸
何孟春楊慎儲巏林俊喬宇張邦奇孫承恩陸深錢
福汪俊汪偉吳儼等其尤著者也立朝五十年清節
不渝罷相家居購詩文書篆者填塞戶限頗資以給
朝夕一日夫人方進紙墨賓之有倦色夫人笑曰今

日設客可使案無魚菜耶乃欣然命筆移時而罷其
風操如此所著有懷麓堂詩文前後集南行北上諸
稿又有經筵講讀東祀集句哭子求退諸錄明末板
燬 國朝康熙壬戌茶陵州學正廖方達彙集重刻
之凡一百卷

王元美曰嚮者於李西涯樂府病其太涉議論過爾
剪抑以爲十不得一自今觀之奇旨創造名語疊出
縱未可被之管絃自是天地間一種文字若使字字
求諧於房中鑣吹之調取其字句斷爛者摹仿之以
爲樂府如是則豈非西子之顰邯鄲之步哉

陳元孝曰西涯樂府得古詩之遺風刺並見含蓄可

味使人自得於言外別爲一格奚而不可

朱錫鬯曰文正弘獎羣英力追正始由其天材穎異
長短豐約高下疾徐滔滔莽莽惟意所如其自序謂
耳目所接興況所寄左觸右激發乎言而成聲雖欲
止之有不可得而止者此自得之言也若其擬古樂
府因人命題緣事立義別裁機杼方之楊廉夫李季
和輩似遠勝之

沈確士曰永樂以後詩教中衰茶陵振而起之如老
鶴一鳴喧啾俱廢而王元美謂長沙之於李何猶陳
涉之啟漢高此習氣未除不免抑揚太過宜招後人
之培植也

蔣慎齋重刻懷麓堂全集序其略曰嘗觀古人身後
則論定獨明李西涯先生歷二百年褒刺不一嗚呼
西涯何遇於生前而不遇於身後也幼舉神童未冠
成進士過壯大拜歷首輔受孝宗顧命無一差蹶不
可謂不遇矣迄泰人康王輩失職怨望負材謾罵其
初不過爭文章之名意氣所激遂欲使不得爲全人
士林一唱百和謂西涯文章取熟爛人物取軟靡其
最所指摘者劉謝已去國西涯獨眷戀不休當時已
有回首長沙芳草綠鷓鴣啼罷子規啼之譏不知西
涯之苦心正在此也三公同受顧命朋友寄託猶不
可負況君父乎老僕受故主命輔幼主值其不肖寧

禦侮和內以守其家乎抑畏禍懼罪逃而不顧乎託孤寄命臨大節而不可奪鞠躬盡瘁死而後已西涯得其遺意焉嘗聞致仕後每談國事悲咽不已深有幽冥負先帝之憾陸儼山詩曰白髮門生思往事每談憂國淚雙漣古今貪位據勢者寧有憂國之淚耶當逆瑾擅柄劉謝二公以介持之西涯獨外與和而內與辨陽爲調劑而陰護正人故在孝宗朝有細必爭武宗朝有大必爭瑾忤奴所護者細爭其細則必亂予以細則必安斯大臣之體亦御小人之法也史稱扶植善類滋培元氣此二語何易承當苟非酌沈潛高明之中劑競綵緩急之宜史臣必不舛此語而

明三才言行錄卷之三

後人尙欲議之何哉一旦立門戶尙氣節則俊厨甘陵元祐黨人之禍起其遺害賢士大夫寧終極耶故當日論西涯者西涯不與之辨惟守已率物優容樂易以鎮之老臣憂國議論誠所不恤也後日論西涯者西涯門人滿天下卒無一人持激論以相衡惟守其學志其行不敢以黨護禍國家不敢以爭名毒縉紳至嘉靖末猶賴西涯之門生故吏以治天下則西涯之教可知也至今日而後論定嗚呼西涯又何不遇於身後哉

澄懷居士按慎齋名永修宜興人江南通志稱其康熙時督學楚中振興文教

楚風爲之一變此序持論平允可謂西涯知已因節錄於此以彰公是

嚴海珊曰公之清節人所共知唯與劉謝同受顧命

二公去公獨畱氣節之士至引狄文惠身事牝朝爲
盧姨所譏與伴食中書並詠吾師李穆堂先生推原
本末則曰公不去將爲其難者耳政事闕失廷辨疏
論解紓調劑諸賢幾得危禍皆賴以免而功尤偉者
薦起楊一清偕張永平寘鐫因爲畫誅瑾策然後黜
羣奸用梁儲劉忠朝政一新其經營苦心實無異於
文惠也學者僅以高文典冊皮相燕許其可哉
汪端論曰西涯七古出入少陵睂山之間七律清逸
流麗工於使事最近劉夢得餘體亦醇正無疵雖才
情秀發未逮青邱大復而氣度雍容風骨遒健究不
愧爲詩家正宗虞山過相推挹以明代第一人目之

漁洋肆口毀斥以爲軟靡熟滑準之公論均無當也
申生怨

十日進一胙。君食不得嘗。讒言豈無端。兒罪誠有名。兒心
有。如。地。地。墳。中。自。傷。兒。死。不。如。犬。犬。得。死。君。傍。天。地。豈。不
廣。日。月。豈。不。光。悲。哉。復。何。言。一。死。以。自。明。
潘辰云聲氣俱盡更着不得一語

緜山怨

五蛇上天一蛇蟄。緜山經月火不滅。君王恩重翻爲仇。不
如放作山中囚。君王有臣一非少。貪天之徒但自保。臣心
見母不見君。誰言母死非君恩。今辰何辰夕。何夕畱與干。
年作寒食。

漸臺水

漸臺水深幾許。使者來。誰遣汝。不見君王符。空傳君王語。
漸臺水。行宮不可度。妾死猶首邱。君行在何處。平生委質
身爲君。此時重信輕妾身。君不還妾。當死臺高高。水瀾瀾。
謝鳴治云死不忘君更見忠厚非徒死者

新豐行

長安風土殊不惡。太公但念東歸樂。漢王真有縮地功能。
使新豐爲故豐。人民不異山川同。公不思歸樂關中。漢家
四海一。太公俎上之。對何匆匆。當時幸不烹若翁。
潘辰云句意渾

古無一字不合

文成死

文成封五利。封神仙只在東海東。文成死五利死。天下神仙皆妄耳。漢家武皇帝者英。昔何懵矣。今何明。君不見百年身。萬年計。前秦皇後唐帝。與香山海漫漫作可相頡頏。張文昌無此筆力。

牧羝曲

嗟汝陵咄汝律。羝可乳節不可屈。咄汝律。嗟汝陵。寧爲我死。不作汝曹生。生入朝。身已老。有淚猶沾茂陵草。天遣生還入畫圖。不然誰識冰霜貌。潘辰云句意律兀甚稱題臨江節士辭恐不及

馮婕妤

圈門晝開熊不守。婕妤當前衆嬪走。荷君恩寵捍君危。不然安用賤妾爲。君身如山妾如葉。君有不虞安。置妾亦知倉卒非賈恩。恩多如深翻在睫。馮婕妤昔非勇。今非怯。掖

庭佞兒何喋喋

潘辰云用事自活

四知歎

故人知君君不知故人。下有厚地兮上有蒼旻。縱不吾知
兮吾心有神。金獨何爲兮。至吾門。吾閉吾門兮。省吾身。潘辰
云結二句直從意外生意又進一步使關西聞此未必不憮然而起也

燕巢林

胡馬來飲淮。浦春燕歸巢。江樹石頭城。立不住。狼居胥在
何處。耕問奴。織問婢。誰遣書生論兵事。萬里長城元自棄。
生不逢檀道濟。使事如無縫天衣

姦老革

姦老革。天下寧有許多賊。潼關以東大有人。悔不盡殺東

都民民不欲多。多即亂。安得龍舟數千夫。八萬君不見江
都城外人圖儂。那能更到丹陽宮。謝鳴治云。蒙蔽之禍。可
爲永鑒。言不必盡意耳。

亡賴賊

亡賴賊逢人殺。難當賊不平。殺爲佳賊。臨陣殺爲大將。見
賊殺少年作賊。不愛身。逢時幸作干城臣。宮中一言後。宮
易終負先朝爲國賊。謝鳴治云。別是一格。潘
辰云。脫不得此一字。

机上肉

李唐天下猶有主。兒欲與韋母欲武。武家廟食唐爲周。唐
宗骨肉皆仇讐。周延酷吏開告密。白頭司空反是實。司空
不死唐不亡。天意豈在廬陵王。中興功業回天地。盡是司
空門下吏。二凶雖除五王族。痛恨當年存机肉。起結包
括一切

韓休知

內家伎樂喧歌酒外庭宰相還知否語罷封章驚在手君
王對鏡念蒼生一身甘爲韓休瘦嗚呼曲江以後無此賢
梨園羯鼓聲震天何由再見開元年楊抱遺避三舍矣

卿勿言

卿勿言朕自思南詔覆師君不知卿勿憂朕自保范陽弄
兵苦不早卿邪誰邪高與楊非姚非宋還非張有言如此
尙不用豈有藥石鍼膏君不見咸陽老人能直諫何曾
得睹君王面潘辰云曲盡事理

司農笏

司農手中無寸鐵奪笏擊賊賊腦裂賊雖未死氣已折奉

天。天。子。雙。淚。橫。十。年。棄。卿。真。負。卿。臣。身。區。區。勞。記。憶。平。原。太。守。曾。未。識。

潘辰云委曲規諷正自動人

養兒行

此詠李懷光義子石演芬事結語指懷光子璫

朝。廷。養。公。公。養。兒。兒。爲。心。腹。股。肱。誰。當。時。義。氣。各。相。許。兒。不。負。公。公。負。主。養。兒。至。死。心。不。易。寧。不。爲。兒。不。爲。賊。君。不。見。入。朝。告。變。歸。殺。身。此。兒。非。養。寧。非。真。養。兒。雖。死。名。不。腐。惟。有。真。兒。心。獨。苦。

潘辰云能道演芬意中事

王凝妻

妾。生。愛。身。如。愛。玉。玉。可。玷。身。不。可。辱。生。不。逢。魯。男。子。彼。氓。何。知。妾。爲。恥。揮。刀。斷。臂。不。自。謀。已。看。此。臂。爲。妾。仇。不。恨。妾。身。出。無。主。但。恨。妾。身。爲。婦。女。君。不。見。中。原。將。相。誇。男。兒。朝。